


Oqaasiliortut Ataatsimiinnissaat
marsip 14-ianni, 2008 nal. 13.00
Oqaasileriffiup ataatsimiittarfiani, Ilimmarfimmi

Peqataasut: Abia Abelsen, Eva Møller Thomassen, Ellen J. Karlsen,
Stephen Heilmann, Carl Chr. Olsen
Allatsi: Katti Frederiksen

Oqaluuserisassatut siunnersuutit:

1. Tikilluaqqusineq
2. Kingullermik ataatsimiinnermit imaqarniliap akuerisassatut saqqummiunnera
3. Naalackersuisunut siunnersuutip isummerfigineqarnissaa
4. Allakkat suliasartallit oqaatsillu isummerfigisassat
 - a. Northern Periphery Programme kalaallisut
 - b. crede-standarder aamma aktiv pædagogisk tænkning kiisalu at synliggøre sine arbejdsmiljøproblemer
 - c. 'tilsnigelse' = silaminik silaqanngitsumik atornerluineq?
 - d. risikoovergang, særydelse = immikkut tapiissutit?, wannabe, fuldmægtig nutserneqareerpa?, oqaaseq 'arlippaa'
5. Saaffiginnissutit suliasallu allat
 - a. Aalajangikkat avammut saqqummiunneqartarnissaat pillugu siunnersuut
 - b. Entreprenør bjerværkskolep taaguuserneqarneranut qisuariaatit
 - c. Terminologimi taaguusersuutissatut siunnersuutit



akuersissutigineqartussat

d. Oqaatsit akuerisat misissoqqissaarneqarnissaat

6. Taasariaqartut allat

Carl Chr. Olsen

Katti Frederiksen

Siulittaasq

Allatsi

- 1. pillugu –

Oqaasiliortut siulittaasuat Puju tikilluaqqusivoq.

- 2. pillugu –

Kingullermik ataatsimiinnermit imaqarniliaq akuerineqarpoq.

- 3. pillugu –

Siumup Inatsisartunut ilaasortaataa kalaallisut oqaatsitta

ilinniartitsissutigineqartarnerisa nukittorsarneqarnissaannut suleqatigiissitalioqqusilluni

siunnersuutaa pillugu Oqaasiliortut oqaaseqarfigimmatigik siorna suliap

Akuunerulersitsinissamik suliap iluseqatigigaa oqaatigineqarpoq. Periaatsimik

aalajangersimasumik ataatsimik nuna tamakkerlugu atuutitsiniarnermik isuma

pivusorsiuunngitsutut nalilerneqarpoq, tassanimi kalaallisut ilinniartinniakkat kikkuneri


siunnersuummi erseqqissarneqangimmat, kalaallisullu piginnaassutsit assigiinngitsillugit

assigiinngilluinnartunik periaaseqarnikkut ilinniartitsineq ingerlanneqartarluni. Naatsumik

oqaatigalugu siunnersuut Akuunerulersitsinissamik suliaqarnermit nutaartaqangitsutut

isumaqarfigineqarpoq, kiisalu metodefrihedip ammasuunerata imminek nukittorsaataanera

oqaatigineqarluni. Ilanngullugu siunnersuutigineqarpoq siunnersuutip



oqaaseqarfigineqarnissaanut Akuunerulersitsinissamut suliniutini saqqummiunneqartut ilaat ilanngullugit saqqummiunneqassasut.

- 4. Pillugu –

4a. Northern Periphery Programme kalaallisut taaguuserneqarpoq: [**EU-mi**] **Avannamut Isorlernut Suliniut**. Taamatut taaguuserneqarnerani nunat pineqartut ilaat Europamiimmata taaguummi EU-p erseqqissarneqarnissaa pingaartinneqarpoq, kiisalu nunat sorliit pineqarnerannik ersersitsisumik taaguuserneqarnissaa.

4b. crede-standarder taaguuteqartinneqalereernikuvoq, tassa atuartitsissutit ilikkarluarfiusut. 'aktiv pædagogisk tænkning' meeqqerivitsialammut tunngammat kalaallisut taaguuserneqareersimanersoq paasiniarneqassaaq. 'synliggøre sine arbejdsmiljøproblemer' imatut nutserneqarpoq: Nammineq suliffimmi atukkani ajornartorsiuteqarnermik saqqummiussuineq.


4c. 'tilsnigelse' kalaallisut ima taaguuserneqarpoq: silaminik silaqanngitsumik atornerluineq.

4d. Risikoovergang aalajangiiffigineqanngilaq, særydelse = immikkut tapiissutit? taanna inatsisinut tunngassutitaqarmat, oqaasertaa/nassuiaataa paasilluaqqaarneqassaaq, wannabe slangiummat nutserneqanngilaq, fuldmægtig tullissaanimut oqallisissanngortinneqarpoq.

Oqaaseq 'arlippaa' tassaavoq unnersiornerusumik oqaatiginninneq imaluunniit arlalinnik peqarneq. Apeqquteqartup tunngavigisai assersuusialu malillugit 'arlippaa'-p isumavia qimalaarlugu tusangiasaarutitut atortarsimassagaa naatsorsuutigineqarpoq.

- 5. Pillugu –

5a. Aalajangikkat avammut saqqummiunneqartarnissaat pillugu siunnersuut ilaasortanit tamanit isumaqatigineqarpoq timitaliiffiginiarneqassallunilu.



5b. Entreprenør bjerværkskolep taaguuserneqarneranut qisuariaatit naapertorlugit

Oqaasiliortut nassuerutigaat tuaviuussamik taaguusiisimallutik. Taamaattorli atuarfiup/ilinniarfiup imarisaa naammassinikkullu qanoq piginnaatigilersitsisarnera paasinierneqassaaq, tassanimi aamma apeqquteqartumut atuarfiup ilinniarfiullu assigiinngissusiiisa nassuiaatigineqarnissaat pisariaqassammat.

5c. Terminologimi taaguusersuutissatut siunnersuutit akuersissutigineqartussat tullissaani

26.marsimi ataatsimiinnissamut pingaarnertut inissillugit ataatsimiissutigineqassapput, taamatullu aamma oqaatsit akuerisat misissoqqissaarneqarnissaat.

- 6. Pillugu -

Oqaasersiat allattaneqartarnerannut malittarisassat nutaat 2006-imi

isumasioqatigiissitsinermi aalajangiunneqartut avammut suli allaganngorlugit saqqummiunneqarnikuunngimmata KIIIN paasiniaavigineqarpoq. Oqaasiliortuniilli isumasioqatigiissitsinermi pappialaatit misissorineqariarlutik allaganngorlugit suliarineqarnissaat siunniunneqarpoq.

Ataatsimiinnissaq tullegg 26.marts 2008 nal.10.00 pisussatut aalajangiunneqarpoq.

Poorskisiorluarnissassinnik kissaallusi
inussiarnersumik inuulluaqqusilluta

Carl Chr. Olsen
Siulittaasoq

Katti Frederiksen
Allatsi